




1613_078.jpg




1613_079.jpg




1613_080.jpg



1613_081.jpg



1613_082.jpg



1613_083.jpg

Seconde Continuation.

83

Le dixiesme ces galeres furent à Messine, & le quatorziesme elles en partirent, s'estans bien rafraichies, & pourueuës de cōmoditez pour leur voyage. Iusques au vingt-sixiesme elles allerent courant l'Archipelague, sans faire chose qui merite. L'entreprise que l'Admiral auoit faicte sur vne petite ville de la Natolie nommee Ieronda, qu'on tient estre la Gerunda dont font mention les anciens, il prit terre à la faueur du silence & de l'obscurité de la nuit: Mais estant entré en ceste ville avec l'ordre requis, le lendemain matin il en sortit sans rien faire, ayant trouué la place abandonnee des habitans, qui plusieurs mois deuant s'estoient retirez ailleurs ayans crainte de telles surprises.


L'Admiral faisant poursuiure le voyage vers le Leuant, iusques au treiziesme May il ne luy reüssit autre chose que la prise de trois Chan-
quis, qui sont vaisseaux gros comme Car-
mussals, & de quelques autres vaisseaux de
moindre grandeur.

*Prise de trois
vaisseaux
Turcs.*

Le matin du quatorziesme, les Galeres se treuuerent pres de Namur, lieu qu'elles auoient autresfois ruyné; on prit celà pour bon augure, & l'Admiral eut esperance d'auoir Agliman. Prenant ceste route le matin enuiron l'aube du iour, on descouurit vn vaisseau à dix mille de là. L'Admiral, qui scauoit bien la difference qu'il y a entre surprendre, & donner la chasse, ce vaisseau estant tenu pour Galere à cause de la forme de la voile, tint conseil pour prendre aduis si on luy donneroit la chasse ou

f ij

1613_084.jpg



1613_085.jpg

Seconde Continuation.

85

que de plus de vingt mille, & qu'elle se retireroit
à grand haste dans le Port d'Agliman: De là
l'Admiral iugea qu'il auoit esté descouvert
en donnant la chasse au vaisseau Grippe. Là
dessus il douta fort de son entreprise, & s'il la
deuoit poursuiure, ou bien se reseruer à meil-
leure occasion; mais nonobstant quelques aduis
cōtraires il se resolut qu'elle seroit poursuiuie.


Pour cest effect il fit tirer vers le Port Caua-
lier, distant d'Agliman enuiron douze mille, &
y arriuant enuiron les six heures du soir il se
mit à vne pointe fort cōmode, & fort cachee,
en deliberation de partir la nuit à heure de
pouuoir faire le desbarquement en tēps oppor-
tun & assuré. Sur la fin de la nuit il enuoya la
felouque pour recognoistre. Au bout de deux
heures, quelque peu plus, elle retourna & rap-
porta que tout le pays estoit en armes, les mu-
railles d'Agliman garnies de force gens ar-
mez, la caualerie à l'entour, & les deux Galle-
res avec deux autres vaisseaux dans le Port.

L'Admiral fit lors vn grand doute, s'il passe-
roit outre, mais nonobstant la grande appa-
rence du peril, il delibera d'executer sa pre-
miere resolution, & d'enleuer ceste forteresse.

Il s'achemine donc enuiron les trois heures
de nuit en profond silence, & deuant les six
heures du matin, le desbarquement fut faict
loing du Port d'Agliman enuiron vn mil & de-
my. Le Seigneur Iulio Montauro descendit le
premier en terre avec le Comte de Candale, &
quelques autres, pour recognoistre le pays: Et

f iij

1613_086.jpg



1613_087.jpg

Seconde Continuation.

87

tié du dehors qui est vers le Midy, est la premiere porte. La 2. est en la face de dedans tournée au Couchant. La troisieme tour est pareillement moitié dedans, & moitié dehors du mesme costé, quelques deux cents pas loing de la seconde: entre l'une & l'autre est vne des moyennes assise au dehors. La 4. est à la cime & pointe susdite, & faict l'encogneure, & est toute dedans. A la descente de la montagne vers le Ponant, sont les deux autres demies tours esgalement distantes de la cinquiesme, qui est moitié dedans, & moitié dehors, & opposée directement à celle de la porte. Il y a cinq petits degrez pour monter sur la muraille. Les quatre sont de pierre dans la grand place, & le 5. est de bois dans la Retraicte.

En ceste place estoient plus de trois cents Turcs, tous hommes de combat. Il y auoit abondance de viures, & de toutes munitions de guerre, & plusieurs pieces de grosse artillerie. Hors la place, enuiron cent cheuaux se pourmenoiēt çà & là: & dans le port estoient les deux Galeres, vn Carramussal & vn Brigantin Grec, avec quelque cent cinquante hommes de combat. Ils auoient retiré dans la forteresse tous les gens de rame.

Voicy l'ordre qui fut tenu & gardé en l'entreprise executée de petarder & escalader ceste forteresse. Tous les gens de guerre qui estoient descendus en terre furent partis en quatre troupes.

La premiere composée des compagnies de la

f. iij

*Quels gens
de guerre &
munitions
estoient dans
Agliman.*

*Ordre tenu
pour assaillir
Agliman.*

Image issue du site mercurefrancois.ehess.fr - Cliché (c) Cécile Soudan